

**DoedADdelo**  
(20230425)

Gwewyr a ddaeth i'th guro - wedi'r traw  
Dewr yw trio, eto;  
Dodi'r "pam?" a'r cam o'r co';  
O'r golled, gwawr i gallio.


**3-1**  
(20230424)



Yn berygl, poen i Boreham oedd y miloedd  
Â'u Mullin, Cans trychlam  
Taith llu i Gymru ar gam  
I'w rhacso gan wŷr Wrecsam!

(Paul Mullin yn arwain Wrecsam yn ol i'r Gyng rhair Peldroed.)


**BB**  
(20230422)



Bri noeth cleber uniethog: *bric-a-brac*  
O Brecon undonog!  
Eglin gwlatgar gyda'r gog  
O'r chwyn, BANAU BRYCHEINIOG.

(Darllen yr adwaith i erthygl gan Rhiannon Lucy Cosslet yn y Guardian.)


**Oosterdok**  
(20230419)



Tyrd 'nawr â gwên ar drên, ar dram i'r hwyl  
Ger yr lî ar garlam;  
Tyrd i lys brys gwŷr brasgam,  
Tyrd i llys tref Amsterdam.

(Yn Amsterdam am y tro cyntaf ers cyn COVID. Yr lî yw enw bae Amsterdam, sef y dŵr mawr yn y ddinas.)


**GerYDŵr**  
(20230418)



Ymryson gwirion y gored - a'n gwaedd  
O "en garde" i'w glywed;  
Rhull awch am greigiau'r llyched  
A chwant am loniant ar led!


("Mynd am antur" gyda K, Ch a D ddydd Sul.)

**Epilog**  
(20230415)



Anrhydedd hwyrol weddi - i ddeall  
Am ddiwedd dy stori;  
Deg muned i gymnoni'r  
Hanes yw braint d'henaint di.

**Cartrefle**  
(20230414)



Teimlaf naratif y llofo'n gori  
'R un geiriau'n fy nghalon;  
Hiraeth arwar llafar llon  
Nefoedd ger y ddwy afon.

(Yng Nghwm Tawe, yn eistedd ger cylifliad y Tawe a'r Twrch, Culhwch ac Olwen yn cwrso o'm mlaen, a'r byd yn ei le.)


**ArColl**  
(20230409)

Gwirion dynion er eu dawn a'u synwyr  
Am arlwy'r ffrwd irlawn;  
Ery rhoddir i'r unlaw'n  
Bedd yn wag, boddi a wnawn!

**Bore'rTrydyddBydd**  
(20230409)

Dyma wers un dyn dinag; er oeri  
Drwy wendid ariandag,  
Daw'r oen o'i boen beth bynag;  
Bydd yn iawn, mae'r bedd yn wag.


**Fiesta!**  
(20230408)



Gwenog lais a'i gân a glywsoch - o'i liw,  
Ei lewyrch a welsoch;  
O'i weled, siwr fe gredsoch  
Taw 'nghymar yw'r car bach coch.

(Y brawd yn sgleinio pen bore 'ma.)

**BywydNewydd**  
(29230407)




Bala hoen o fywyd blin ger traethau  
Eisiau duwdod iesin;  
Orig uwch o fara, gwin  
A ffrydiau'r anghyffredin.

Rhad oleuad, haeliwia'r ogof  
Ar agor, cymanfa  
Wylo dwys y Bugail Fawr,  
Olaf orig Calfaria.

Yn y baw er profi'r byd - er y gwawd,  
Ar godi mae'r ysbryd;  
Gweld o gwlydro credo'r crud  
Bod 'na fwy, bod 'na fywyd.

(Gobaith.)

**YrApêl**  
(20230407)



Dathlu sail bendithiol sêl i noddï'r  
Heddwch dros y gorwel;  
O law i law yn dawl,  
Llofnodion dwys, pwys Apêl.


(Hanes Apêl 1923 ar y newyddion.)

**Danodd**  
(20230404)

Daw cysur rhag dolur drwy'r dydd? - ai gwg  
Trai'r GIG yw'r blaenrybudd?  
Ufuddhau i'r costau cudd  
'Di danto ffeindio deintydd!

(Anghytuno â gorfod talu am ddeintydd wedi talu Yswiriant Gwladol am oes, â deintydd Rhuthun yn gadael y GIG.)


**2-3**  
(20230403)



Yn y fantol, ffwtbol a ffydd - lluniaeth,  
Llawenydd a chystudd  
A nef y dioddefydd:  
Caru Duw, maeddu Caerdydd!

(Y Swans yn maeddu Caerdydd am y pedwerydd tro yn olynol!)


**YrHenFfrind**  
(20230328)



Hirlwm, â'r peswch yn erlid y gwan  
A'i gorff i gyfyngdidi;  
A phail y cyfaill COVID  
Yw'r dolur sy'n lledu'r lliid.

(Ï â'r feirws wythnos diwethaf, minau â fe ers y penwythnos, a K wedi cael prawf positif heddi'. E & R wedi'i ddal e hefyd.)

**Creulondeb**  
(20230319)



Aflan, diefflig bropropaganda - torwyd  
Tosturi gan ddogma;  
Cyru dyn, y drwg a'r da  
Dnwy wendid i Rwanda.


(Cywilydd ar y "llywodraeth" Doriaidd yn Llundain. Mae'r polisi yn hollol anfaddeuol. Dengys y llun gamp "gelyn-estroniad" yn Huyton, Lerpwl, yn 1940.)

**le?Nage?**  
(20230318)

Cyfarfod â'r dyfodol yw dy chwant,  
Ffyniant nid gorffennol;  
Ond Phil, Phil paid bod yn ffôl  
Meddai awen ymddeol!

(Lled-ymddeoliad yn agoshau!)


**URybniika**  
(20230318)



Diifyrwrch pob diferyn - taweled  
Dy alaw, fel emyn  
Nef fy nef yn y fan hyn  
O loydwid cwrliid corlyn.

(Yn eistedd ger pwll y pentref. Nefoedd.)


**Gwynfyd?**  
(20230317)



I dyrfa'r ffars diderfyn - nudd eofn  
I gdoewch sy'n perthyn;  
Mae hawl cael popeth melyn  
Ond gwarth, gwarth yw bywyd gwyn.

(Eisteddfod Llangollen yn penderfynu bod "byd gwyn" yn hiliol. Gwyn eu byd!)

**Jasan**  
(20230317)




Mwydro wyf, un mud ar wahan am gam  
I goed goger Skřiván;  
Troi o ludd y dydd a'i dân  
A'r drys, i grud yr *jasan*.

(Bore BENDIGEDIG, rhedeg o *Skřiván* drwy'r berllan lawr i'r goedwig a'r *potok*, draw drwy *Novosedly*, lan i'r fainc i edrych dros *Hračolusky*, draw at yr onen (yr *jasan*) a'r olygfa, lawr i *Valachov* a'r cwm eto, a nol heibio'r *chalupy*. A dyma ymdrech trosiad *česky*:

*Jsem zkroutcený, ztlumený od sebe na krok  
Ke skřivánským stromům;  
Odvracím se od slabosti dne, jeho ohně  
A zmatku, do kolebky jasaný.*


**Seliwoid**  
(20230316)



Anabledd gwerin boblach - crescendo'r  
Eco trugarocach;  
Acre uwch brwydrau'r crachach:  
Gwir wyneb oes ar sgrîn bach.

(Gwylio ffilmiau gwyth dibendraw gyda V. gyda'r nos yn y bwthyn.)

**Pahoda**  
(20230315)



Yn y wlad, hawl i oedi - hedd â haul  
A rhyddhad o'm ffwlbrî;  
Unig amnodd o gwmni  
Yw fy nef ve *Skřivani*.

(Diwrnod o wyliau yn y bwthyn yn *Skřiván*. Ystyr *pahoda* yw "bodlondeb" neu debyg.)

**DalawnGary**  
(20230311-12)



Trawdd actau Toriaidd ddicter â ffawd  
Ffoadur yn ofer;  
Ond ffawd brawd yw eu breuder!  
Cans 'nawr, cawr yw Lineker!

Ystyriwch, gwên tosturi yw tro dewr  
Trydariad haelioni,  
Haul gras diamheuol gri  
Am y gwir, 'does amau "Gary"!

Cnafod cyfrwys a'u haffwysedd ffroenuchel,  
Rhaid hel o'u hanhaeledd  
Ol y groes uwch loes â chledd,  
Tor gwawr neges trugaredd.

(Gary Lineker yn cael ei gosbi gan y BBC - ond ei edmygu'n fawr gen i - am ddweud yr hyn sy'n amlwg yn ol y Cenhedloedd Unedig. Dyma eiriau George Orwell: "If liberty means anything at all it means the right to tell people what they do not want to hear.")

**Ffoi'rPogrom**  
(20230310)



Pech ffanaticaiddd ffaidd fol - a nos  
Ashcenasim briol;  
Dyma'r hewl â dim ar ol  
Ond gormwyth tylwyth Topol.

(Erthygl yn y Guardian am arwyddocaeth y ffilm "Fiddler on the Roof" a chymeriad Tevye, chwaraewyd gan Topol, yn arbenig.)

**Poe**  
(20230310)



Aw'n i graidd Edgaraidd go' - wrth ei fodd  
Â'i rith-feddwil heno;  
Ag offwrwm nos o gyffro  
Daw rhyfeddod parod Poe.

(Mynd i theatr Nová Scéna i weld rhywbeth rhwng drama a "ballet" am waith Edgar Allan Poe. Mewn un rhan doniol dros ben, mae Poe yn siarad gyda'i "psyche".)

**Betlémská kaple**  
(20230308)



Hafod o ddogma ofaidd - a berw  
Bore amhsbydddaidd;  
Os am ias teg ras yn graidd,  
Dewised credo Hwsaidd.

(Ymweld â Chapel Bethlehem yn Prag lle bu Jan Hus yn gwasanaethu a phregethu fel protestant sy'n sylfaenol gwantymaidd eu natur, yn tueddu at arsylwadau ffiseg glasurol wrth i faint y system dyfu. Cyfrodeddiad (*entanglement*) a chydlyniaid cwantwm (*quantum coherence*) sy'n gyfrifol yn ol y gwybodysuol!)

**CwantwmDdarwinaeth**  
(20230308)

Ol maes heriol mesuriad - er rhanu  
Darwinaidd ddatgeliad;  
Ym mer ton-ffwythianau mad  
Cei dysy le'n y cydlyniaid.

(Darllen am gwantwn-Ddarwinaeth, sy'n cynig un modd i esbonio sut mae arsylwadau o system sy'n sylfaenol gwantymaidd eu natur, yn tueddu at arsylwadau ffiseg glasurol wrth i faint y system dyfu. Cyfrodeddiad (*entanglement*) a chydlyniaid cwantwm (*quantum coherence*) sy'n gyfrifol yn ol y gwybodysuol!)

**EgniTywyll**  
(20230305)

Pa rwdlan, pa ddamcan, pa ddull - etyb  
Y data sy'n ddistyll?  
Cyfiawnhad gwead y gwyll  
Hud heuad egni tywyll.

(Darllen erthygl wych ar *Medium* yn esbonio'r ddaeth gref dros fodolaeth egni tywyll (*dark energy*) sy'n honedig yn esbonio tua 75% o egni'r bydysawd. Ond nid oes modd ei weld na'i fesur yn uniongyrchol, sy'n gadael posibilrwydd bod modd newid y maths i esbonio'r un data heb angen egni tywyll.)

**Sbwci**  
(20230304)



Cyfyrd wawdd cyfrodeddiad - llyw anwel  
Pellenig gysylltiad;  
Cwpled anleolediad  
Yw'r difesur eglurhad.

(Darllen eto am gyfrodeddiad (*entanglement*), lle na ellir disgrifio cyflwr gronynau unigol, ond meddir disgrifio cyflwr anleoedig (*non-localised*) pâr neu fwy o ronynau. Einstein dywedodd nad oedd yn credu mewn "gweithredu sbwci o bellter", sef yr hyn mae cyfrodeddiad yn ei awgrymu i rhai.)

**DyddGwylDewi?**  
(20230301)



Anoleithog pylog apêl yw drwg  
Draig anela'n isel;  
Ein hendid a'n gwrid yn gél  
Â Dewl'n od o dawel.

(Dim baneri ar y styrd fawr, ond baneri newudd gartref.)

**Gogleddwawl**  
(20230228)



Hwn yw Duw a dafia dis yn nirgel  
Nos dawel er dewis  
Eiliad am brofiad uwch bris  
O'r haul, gwên borealis.



(Yng Nghaerhfrlyn dros nos, a gweld rhyw wawl i'r gogledd, ond anodd gwybod os taw'r gogleddwawl oedd. Llif o electronau a photonau o'r haul yn cael eu denu tuagat pegwn magnetiaidd gogledd y ddaear, yn taro i mewn i foleculau ocsigen a neitrogen, yn datgysylltu'r atomau a'u cynhyrfu a'u heioneiddio. Achosir y lliwiau nodweddiadol gan atomau ocsigen (gwyrdd ac orengeoch) a neitrogen (glas a choch) yn adenill electron, neu gan gyflyrau cynhyrfedig yn ymlacio.)

**GweithredyddionAnghymudol**  
(20230226)

$$\Delta\chi\Delta\varphi\geq\frac{\hbar}{2}$$

Ffwrdaif o bendrapphendod Heisenberg  
A swyn Bohr am wirfod;  
O ddysg anhafaledd ôd  
Wynebaf sail anwybod.


(Yr egwyddor anicrwydd, daw o'r ffaith nad yw gweithredyddion - fel lleoliad a momentwm, neu egni ac amser - yn cymudo â'i gilydd.)

**Cysylltu**  
(20230225)

Ti 'di hwyl hel tudalen - arhoswn  
I'r broses gael gorffen;  
Ond poen, poen rhyw VPN  
I ddiawl dilynfa'r ddolen!

(Helpu T. Erw Goch i gysylltu â TEAMS. Roedd trafferth gyda'r VPN.)

**CathSchrödinger**  
(20230225)



Y sawl a wna arsylwad - daw i weld  
Penodoldeb cread;  
Fel lôn yw hwn, cyflawnhad  
Chwala ôl uwch-leoliad.

(Canlyniad damcaniaeth cwantwm yw bod pawb a phopeth yn bodoli mewn uwch-leoliad (*superposition*) ansicr tan i rhyw *fod ymwybodol* wneud arsylwad. Golyga hyn y gallwn fod yn fyw ac yn farw ar yr un pryd. Cyn dloted yw deall dyn.)

**LlynYFan**  
(20230221)



Lloni o fod ger Llyn y Fan - gweld dim  
Â gwawl tarth ym mhobman;  
Ond arlwy haul daw i'r lan  
I herio'r c'mylau arian.

(Cerdded i Lyn y Fan gyda T, haul bendigedig uwch y cymylau, a gweld "enfys wen" am y tro cyntaf.)

**YTipiau**  
(20230220)

Ar droed i'r postyn ochr draw ar fin  
Yr afonog alaw;  
Ar y cyd o'r byd drwy'r baw  
I dystio'r pethau distaw.

(Cerdded gyda T ar hyd "y tipiau" - sef llwybr coediog ond lleidiog ger y Tawe erbyn hyn - at y "postyn ochr hyn a'r postyn ochr draw", wedi gwneud yr un wâc ganoedd o weithiau gyda dad a'r ci oesoedd maith yn oll!)


**Cymharu**  
(20230219)

$$u_i^{n+1} = u_i^n - \Delta t \left[ a^+ u_i^n + a^- u_i^{n+} \right]$$

Caf olau teg hafaliad a'i wiredd  
Differol er dwad  
I'r afael â chyfrifiad;  
Nefoedd yw hwn o foddhad!

(Defnyddio canlyniadau cyflwr sefydlog i wirio cyfrifiad rhifiadol ansefydlog, a phopeth yn gweithio yn y pen draw!)

**Llundain**  
(20230217)




Testament i dalent dyn - tafodau  
Â'u geiriau'n creu gworun  
Dinas wiv'n llawn lliw a llun  
A duwdeb dyfodadun.

Cronbil nywyd y llwyd eu llun - trachwant  
A gwarient a gworun  
Pair ysiad anghredadun,  
Llwyfan sarug diffyg dyn.

(Mynd eto i'r Bigsmôc, a joio mwy nag arfer, mae'n debyg am fy mod i'n cymryd pethau ychydig yn fwy ar' deg! Ond mae ychydig ddiwrnodau yno'n ddigon!)

**PenblwyddRhif2**  
(20230213)



Daw awr am ddathliad eirian er rhanu  
Anrhegion y bychan;  
Blywddyn mwy, dwy fydd Dyfan  
Dirioned, gwyned ei gân!


**Gorthrwm**  
(20230212)



Tro hiraeth ger Tryweryn - aer bodd'i'n  
Creu beddau drwy'r dyffryn;  
Ol cawlach Capel Celyn:  
Dwli'r lle a diawlio'r llyn.

(Mynd heibio'r gofeb 'ddoe â theimladau cymysg, Tirlun bendigedig, ond creithiau a sgil-effeithiau Tryweryn a Drawsfynydd, Porthmadog a Phyllheli.)

**YrArenigFawr**  
(29230212)



Yn rhugl i Foel yr Eglwys a rhiniau'r  
Arenig hyfrydlwys;  
Cwpla ar ben copa mae'n cwys  
Er oedi ym mharadwys.

(Cerdded 'da R. a T. i lyn Arenig Fawr o lan Lyn Celyn, ac wedyn lan i Foel Yr Eglwys, â golygfeydd hyfryd o Drawsfynydd, Porthmadog a Phyllheli.)

**Dadfeilio**  
(20230210)

Gwae yw rhodd ein "gwareiddiad", ac afraid  
Wallgofrwydd "datblygiad"  
Ar heol i ddirywiad  
Â surni am gloffi'n gwlad.

(J. yn gwylio *QuestionTime* neithiwr. Mae safon y drafoadaeth gyffredinol ym Mhrydain mor isel, fel petai bod dirywiad cymdeithas i'w weld yn digwydd o flaen ei llygaid.)

**AD**  
(20230208)

$$\frac{\partial c}{\partial t} + \nabla \cdot (-D \nabla c + vc) = R$$

Modfeddau, eiliadau tryledol - rhediad  
O ffrydiau llorfulod;  
Creu cyfrif o lif di-lol  
Yw medr y cyfaint meidrol.

(Datrys hafaliad llorfuldiant - trylediad, *sed advection-diffusion*, AD.)

**AmrywiantAsymptotig**  
(20230207)

$$\hat{\theta}_N \rightarrow^d \mathcal{N}(\theta_0, \mathcal{I}_N(\theta_0)^{-1})$$

Ysgogiad dysg mathematig - arfer  
Â therfan ganolig  
Rhydd tebygoliaethol frig  
At ateb asymptotig!

(Y ffordd i feintoli ansicrwydd o amcangyfrifon tebygoliaeth fwyaf, sef *maximum likelihood*, pan fod y sampl yn fawr!)

**CaeaDyBenACHyfrifa!**  
(20230206)

$$\frac{\partial \psi(\mathbf{r},t)}{\partial t} = -\frac{\hbar^2}{2m} \nabla^2 \psi(\mathbf{r},t) + V(\mathbf{r})\psi(\mathbf{r},t)$$

Drysi ar faths di-rheswm yn cynal  
Damcaniaeth sy'n rhigwm?  
Endid haprwydd, llied y llwm:  
Cei hynt dirgelwch cwantwm.

(Darllen eto am ddamcaniaeth cwantwm, a bod neb wir yn deall beth mae'n meddwl.)

**WyíWyíWyí?**  
(20230204)

Un gwefr bu dechrau Chwefror - dal alaw  
*Deleila* yn agor  
At ias y gêm, a chwant sgôr:  
Ni chlywi'r rhegi rhagor!

Ar hyd nos ysbrydion isel - gwerthoedd  
Gwardthus scandal dawel;  
Gwaeddw'n dros faeddu Gwyddel  
I leddfu cryd byd y bêl!


(Gwahardd canu *Deleila* a scandal bwlio ayyb.)

**MasalaZone**  
(20230202)

Os mynd, da mynd am Indi-ans a hwyl  
Masala amdanî!  
Dihafaf blât o *thali*  
Yn lawnder i d'wylder di!

(Wedi blino'n lân, ag awydd noson dawel, ond cytuno mynd 'da rhai o ffrindiau gwaith am gyri yn y *Masala Zone* yn *Covent Garden*, a joio! Yng Nghwm Tawe mae gwylder hefyd yn meddwl "chwant gwyl")

**Avanti**  
(20230130)



Hud olwyniad sy'n atsein - ar wincad  
O Runcorn yn gelwain;  
Clud yw'r cwys hyd cledrau cain:  
Handi serch mynd i Lundain!

(Mynd i Lundain ar y tren.)

**Gardolbenmain**  
(20230129)

Nesáu 'rwyf at Nasareth - awr antur  
I hwntw mewn penbleth!  
Fel y dur, mor bur siwd beth  
Â chanllaw i Fachynlleth!

(Mynd o Fenllech i gyngerdd côr ym Machynlleth. Mynd ar ffordd ddiethr o Gaernarfon i Borthmadog a Dolgellau. Diolch byth am satnaf!)

**YDraffordd**  
(20230127)

Lledrith wrth droelli adre - chwildroad  
Hafaliad a folech  
Yn foddion, cyfartlyddech  
Theorem chwaeth yr M6.

(Dod nol o Gaerhfrlyn.)

**IaithYCESair**  
(20230122)

Hin hwyrnos a iaith y siwrne'n gân llog  
O genllys Llangollen;  
'Mhen ryw awr, tinc daw o'r De'n  
Neges oer hen gyseren.

(Iaith y tywydd yn newid wrth fynd lawr i Gwm Tawe.)

**LLwydrhew**  
(20230121)

Noson galed fu, cyn ddued - a 'nawr  
Cân y wawr cyn oered;  
Ym mhau gwylau mae gwleed  
Siew llain o lwydrew ar led.

(Rhew'n galed neithiwr, a'r anwyd yn diflanu o'r diwedd; cyfle cyntaf i redeg ers pythefnos!)

**Eira!**  
(20230117)

Ysblander, pleser y plu - fel seintwar,  
Cwypm cynar cyn cwnu;  
Gwyn ydyw byd 'di gânau,  
Urddas dros y diflas, du.

Daw duwdod a dyddod'i'n y pluo  
Gan nwyfo cynefin;  
Daw'r eira wedi'r oeri'n  
Wyrth trawsfurfiad, profiad prin.

(Eira dros nos, a mw y heddi.)

**Apé!AmyPolyn!**  
(20230116)



Hwn bu'r bwrn un p'nawn Sadwrn sŷn - hawliodd  
Gwialen ei nefyn;  
Hynod gam mewn tywod gwyn:  
Pa hawl oedd planu polyn?

(Danfon llun o ffrŷnt Aberystwyth at R. a hwnw'n achwyn bod 'na ryw bolyn fflag newydd yn ei ganoll)

**Tŵsis**  
(2023015)

Aflafar oddefgarwch - dyma siom  
Rhaid Sullo mewn salwch  
Tru i drechu poerog drwch  
Drwy'r nos, pos atal peswch!

(Anwyd yn dall!)

**PwyAŴyr?**  
(20230114)

Dirifedi'r rhifiadol - mapio chwaeth  
CMIP6 ar fantol  
Gan ddilyn rhaid 'ffeiriaid ffol,  
Suddwn hyd lwybr hinsoddol.

(Yn edrych ar effaith posib newid hinsawdd ar garwedd gwyntoedd a stormydd morol y dyfodol agos. O ran codi tymheredd y byd, mae'r stori'n glir. Ond o ran priodweddau stormydd, mae'r amrywiant a wellir rhwng modelau gwahanol, a'r amrywiant hap o fewn unrhyw fodel penodol, gymaint nad oes modd rhagweld dim byd bron ag unrhyw sicrwydd. CMIP6 ("si-mip-chwech") yw'r acronym ar gyfer y gehedlaeth newyddaf o fodelau atmosfferig, a morol-atmospheric a mwy weithiau sy'n cyhyrchu toreth o ddata! Defnyddir y term "llwybr" i dâynodi datblygiad y system ddaearol o dan amodau "scenario" â gorfodi hinsawdd penodol.)


**Llinach**  
(20230113)



Hynod argoel o'r dirgel - hen loffion  
O gyrrion y gorwel;  
Hanes hywyr Llansawel  
Cofnod parod eu hapêl!

(Dod o hyd i dystiolaeth, o ddilyn ymchwil D&E, taw fy hen hen dadcu (Thomas J 1825-1881, wedi ei gladdu ar y Graig Arw / Pantteg) symudodd i Gwm Tawe o Lansawel, Sir Gâr, a sicrwydd taw hen x3 dadcu oedd Joseph J (1786-1854), cigydd yn Llansawel ar hyd ei oes. Awgryma hyn taw Daniel J (?-1794), y mae ei fedd hefyd o hyd i'w gweld yn Llansawel, oedd fy hen x4 dadcu, efallai!)

**Diwlŷcs**  
(20230108)



Melyn eiff i'r dim yno - a diben  
Mor llawen yw lliwio'r  
Oriau tēr o'r llawr i'r to;  
Dros y bont, dyrys beintio!

(Peintio ystafell ym Menllech, a malu cwpwrdd â drysau mawr gwyrdd ych a fi! A dal anwyd wrth D.)

**YDoethion**  
(20230107)

Aur y nef mewn seren noeth, nos â moes  
Thus a myr gwŷr hygoeth;  
Cofw'n neges eu cyfoeth  
Wrth dderbyn y tri dyn doeth.


(Y gwŷr doeth yn ymweld ar y 6ed, yn ôl traddodiad.)

**Wedi'rŴyl**  
(20230106)

Cilia awch cân y clychau - dyddiau prid  
Oedi dyheadau;  
Ol gwên a hwyl yn gwanhau  
O lwydo'r goleuadau.

(Atgofion y Nadolig yn diflanu'n ara' deg.)

**Dim?**  
(20230101)



Dameg, sen, daw megis sim-iwleddiad  
A lwyddodd i godi  
Mater, ond trallod nodi  
Mai'r twll yn llun dyn yw "dim".

(Darllen erthygl ar sut mae ffisegydd yn dehongli "dim". Mae'r rhan fwyaf o ddehongliadau yn dibynu ar "fodolaeth" trefn fathemategol damcaniaeth cwantwm neu debyg. Ond y dim "pur" yw "dim Plato", lle nad oes hyd yn oed trefn fathemategol yn bodoli. Mae'r dim hwn tuhwnt i amgyffred y gwyddonydd. Sut daeth y drefn fathemategol "i fod" yn y lle cyntaf? A sut yn y byd y mae'n bosib bod dyn yn gallu dehongli'r byd o gwyb? )